

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 - 夜摩天宮

昇夜摩天宮品

夜摩宮中偈讚品

十行品

十無盡藏品



華嚴經十行品之功德林菩薩說十行位之一

入三昧			爾時，功德林菩薩承佛神力，入菩薩善思惟三昧。
十方佛加持	十方佛加 (根本智)		入是三昧已，十方各過萬佛刹微塵數世界外，有萬佛刹微塵數諸佛，皆號功德林，而現其前，告功德林菩薩言：善哉！佛子！乃能入此善思惟三昧。善男子！此是十方各萬佛刹微塵數同名諸佛共加於汝。
	佛神力加		亦是毘盧遮那如來往昔願力、威神之力，及諸菩薩眾善根力，令汝入是三昧而演說法。
	十波羅蜜 說法因緣		為增長佛智故，深入法界故，了知眾生界故，所入無礙故，所行無障故，得無量方便故，攝取一切智性故，覺悟一切諸法故，知一切諸根故，能持說一切法故，所謂：發起諸菩薩十種行。善男子！汝當承佛威神之力而演此法。
	與智加持		是時，諸佛即與功德林菩薩無礙智、無著智、無斷智、無師智、無癡智、無異智、無失智、無量智、無勝智、無懈怠智、無奪智。何以故？此三昧力，法如是故。
	摩頂身加		爾時，諸佛各伸右手，摩功德林菩薩頂。
三世佛說			時，功德林菩薩即從定起，告諸菩薩言：佛子！菩薩行不可思議，與法界、虛空界等。何以故？菩薩摩訶薩學三世諸佛而修行故。佛子！何等是菩薩摩訶薩行？佛子！菩薩摩訶薩有十種行，三世諸佛之所宣說。何等為十？
十行位名			一者歡喜行，二者饒益行，三者無違逆行，四者無屈撓行，五者無癡亂行，六者善現行，七者無著行，八者難得行，九者善法行，十者真實行；是為十。
說十行位			(功德林菩薩說十行法，经文見附21-1)
十方震動說法作證	佛	六相震動現眾莊嚴	爾時，佛神力故，十方各有佛刹微塵數世界六種震動，所謂：動、遍動、等遍動，起、遍起、等遍起，涌、遍涌、等遍涌，震、遍震、等遍震，吼、遍吼、等遍吼，擊、遍擊、等遍擊。雨天妙華、天香、天末香、天鬘、天衣、天寶、天莊嚴具，奏天樂音，放天光明，演暢諸天微妙音聲。如此世界夜摩天宮，說十行法所現神變；十方世界，悉亦如是。
	法	菩薩普說同等法義	復以佛神力故，十方各過十萬佛刹微塵數世界外，有十萬佛刹微塵數菩薩俱，來詣此土，充滿十方，語功德林菩薩言：佛子！善哉！善哉！善能演說諸菩薩行。我等一切同名功德林，所住世界皆名功德幢，彼土如來同名普功德。我等佛所，亦說此法；眾會眷屬，言辭義理，悉亦如是，無有增減。
	僧	十方說法	佛子！我等皆承佛神力，來入此會，為汝作證：十方世界，悉亦如是。
偈讚因緣			爾時，功德林菩薩承佛神力，普觀十方一切眾會暨于法界，
	佛		欲令佛種性不斷故，
	法		欲令菩薩種性清淨故，
	僧		欲令願種性不退轉故，
	精進		欲令行種性常相續故，
	禪定		欲令三世種性悉平等故，
	般若		欲攝三世一切佛種性故，
	方便		欲開演所種諸善根故，
	願		欲觀察一切諸根故，

華嚴經十行品之功德林菩薩說十行位之二

因緣	力	欲解煩惱習氣心行所作故，
	智	欲照了一切佛菩提故，
		而說頌曰：(功德林菩薩說百另一偈結會十行位)
禮敬加持		一心敬禮十力尊，離垢清淨無礙見，境界深遠無倫匹，住如虛空道中者。
佛十波羅蜜	佛	過去人中諸最勝，功德無量無所著，勇猛第一無等倫，彼離塵者行斯道。
	法	現在十方諸國土，善能開演第一義，離諸過惡最清淨，彼無依者行斯道。
	僧	未來所有人師子，周遍遊行於法界，已發諸佛大悲心，彼饒益者行斯道。
	精進	三世所有無比尊，自然除滅愚癡暗，於一切法皆平等，彼大力人行此道。
	禪定	普見無量無邊界，一切諸有及諸趣，見已其心不分別，彼無動者行斯道。
	般若	法界所有皆明了，於第一義最清淨，永破瞋慢及愚癡，彼功德者行斯道。
	方便	於諸眾生善分別，悉入法界真實性，自然覺悟不由他，彼等空者行斯道。
	願	盡空所有諸國土，悉往說法廣開諭，所說清淨無能壞，彼勝牟尼行此道。
	力	具足堅固不退轉，成就尊重最勝法，願力無盡到彼岸，彼善修者所行道。
	智	無量無邊一切地，廣大甚深妙境界，悉能知見靡有遺，彼論師子所行道。
法十波羅蜜	佛	一切句義皆明了，所有異論悉摧伏，於法決定無所疑，彼大牟尼行此道。
	法	遠離世間諸過患，普與眾生安隱樂，能為無等大導師，彼勝德者行斯道。
	僧	恒以無畏施眾生，普令一切皆欣慶，其心清淨離染濁，彼無等者行斯道。
	精進	意業清淨極調善，離諸戲論無口過，威光圓滿眾所欽，彼最勝者行斯道。
	禪定	入真實義到彼岸，住功德處心永寂，諸佛護念恒不忘，彼滅有者行斯道。
	般若	遠離於我無惱害，恒以大音宣正法，十方國土靡不周，彼絕譬者行斯道。
	方便	檀波羅蜜已成滿，百福相好所莊嚴，眾生見者皆欣悅，彼最勝慧行斯道。
	願	智地甚深難可入，能以妙慧善安住，其心究竟不動搖，彼堅固行行斯道。
	力	法界所有悉能入，隨所入處咸究竟，神通自在靡不該，彼法光明行此道。
	智	諸無等等大牟尼，勤修三昧無二相，心常在定樂寂靜，彼普見者行斯道。
僧十波羅蜜	佛	微細廣大諸國土，更相涉入各差別，如其境界悉了知，彼智山王行此道。
	法	意常明潔離諸垢，於三界中無所著，護持眾戒到彼岸，此淨心者行斯道。
	僧	智慧無邊不可說，普遍法界虛空界，善能修學住其中，彼金剛慧行斯道。
	精進	三世一切佛境界，智慧善入悉周遍，未嘗暫起疲厭心，彼最勝者行斯道。
	禪定	善能分別十力法，了知一切至處道，身業無礙得自在，彼功德身行此道。
	般若	十方無量無邊界，所有一切諸眾生，我皆救護而不捨，彼無畏者行斯道。
	方便	於諸佛法勤修習，心常精進不懈倦，淨治一切諸世間，彼大龍王行此道。
	願	了知眾生根不同，欲解無量各差別，種種諸界皆明達，此普入者行斯道。
	力	十方世界無量刹，悉往受生無有數，未曾一念生疲厭，彼歡喜者行斯道。
	智	普放無量光明網，照耀一切諸世間，其光所照入法性，此善慧者行斯道。

華嚴經十行品之功德林菩薩說十行位之三

精進十波羅蜜	佛	震動十方諸國土，無量億數那由他，不令眾生有驚怖，此利世者所行道。
	法	善解一切語言法，問難酬對悉究竟，聰哲辯慧靡不知，此無畏者所行道。
	僧	善解覆仰諸國土，分別思惟得究竟，悉使住於無盡地，此勝慧者所行道。
	精進	功德無量那由他，為求佛道皆修習，於其一切到彼岸，此無盡行所行道。
	禪定	超出世間大論師，辯才第一師子吼，普使群生到彼岸，此淨心者所行道。
	般若	諸佛灌頂第一法，已得此法灌其頂，心恒安住正法門，彼廣大心行此道。
	方便	一切眾生無量別，了達其心悉周遍，決定護持佛法藏，彼如須彌行此道。
	願	能於一一語言中，普為示現無量音，令彼眾生隨類解，此無礙見行斯道。
	力	一切文字語言法，智皆善入不分別，住於真實境界中，此見性者所行道。
	智	安住甚深大法海，善能印定一切法，了法無相真實門，此見實者所行道。
禪定十波羅蜜	佛	一一佛土皆往詣，盡於無量無邊劫，觀察思惟靡暫停，此匪懈者所行道。
	法	無量無數諸如來，種種名號各不同，於一毛端悉明見，此淨福者所行道。
	僧	一毛端處見諸佛，其數無量不可說，一切法界悉亦然，彼諸佛子行斯道。
	精進	無量無邊無數劫，於一念中悉明見，知其修促無定相，此解脫行所行道。
	禪定	能令見者無空過，皆於佛法種因緣，而於所作心無著，彼諸最勝所行道。
	般若	那由他劫常遇佛，終不一念生疲厭，其心歡喜轉更增，此不空見所行道。
	方便	盡於無量無邊劫，觀察一切眾生界，未曾見有一眾生，此堅固士所行道。
	願	修習無邊福智藏，普作清涼功德池，利益一切諸群生，彼第一人行此道。
	力	法界所有諸品類，普遍虛空無數量，了彼皆依言說住，此師子吼所行道。
	智	能於一一三昧中，普入無數諸三昧，悉至法門幽奧處，此論月者行斯道。
般若十波羅蜜	佛	忍力勤修到彼岸，能忍最勝寂滅法，其心平等不動搖，此無邊智所行道。
	法	於一世界一坐處，其身不動恒寂然，而於一切普現身，彼無邊身行此道。
	僧	無量無邊諸國土，悉令共入一塵中，普得包容無障礙，彼無邊思行此道。
	精進	了達是處及非處，於諸力處普能入，成就如來最上力，彼第一力所行道。
	禪定	過去未來現在世，無量無邊諸業報，恒以智慧悉了知，此達解者所行道。
	般若	了達世間時非時，如應調伏諸眾生，悉順其宜而不失，此善了者所行道。
	方便	善守身語及意業，恒令依法而修行，離諸取著降眾魔，此智心者所行道。
	願	於諸法中得善巧，能入真如平等處，辯才宣說無有窮，此佛行者所行道。
	力	陀羅尼門已圓滿，善能安住無礙藏，於諸法界悉通達，此深入者所行道。
	智	三世所有一切佛，悉與等心同智慧，一性一相無有殊，此無礙種所行道。
方便波羅蜜	佛	已決一切愚癡膜，深入廣大智慧海，普施眾生清淨眼，此有目者所行道。
	法	已具一切諸導師，平等神通無二行，獲於如來自在力，此善修者所行道。
	僧	遍遊一切諸世間，普雨無邊妙法雨，悉令於義得決了，此法雲者所行道。
	精進	能於佛智及解脫，深生淨信永不退，以信而生智慧根，此善學者所行道。
	禪定	能於一念悉了知，一切眾生無有餘，了彼眾生心自性，達無性者所行道。

華嚴經十行品之功德林菩薩說十行位之四

方便波羅蜜	般若	法界一切諸國土，悉能化往無有數，其身最妙絕等倫，此無比行所行道。
	方便	佛刹無邊無有數，無量諸佛在其中，菩薩於彼悉現前，親近供養生尊重。
	願	菩薩能以獨一身，入於三昧而寂定，令見其身無有數，一一皆從三昧起。
	力	菩薩所住最深妙，所行所作超戲論，其心清淨常悅樂，能令眾生悉歡喜。
	智	諸根方便各差別，能以智慧悉明見，而了諸根無所依，調難調者所行道。
願十波羅蜜	佛	能以方便巧分別，於一切法得自在，十方世界各不同，悉在其中作佛事。
	法	諸根微妙行亦然，能為眾生廣說法，誰其聞者不欣慶，此等虛空所行道。
	僧	智眼清淨無與等，於一切法悉明見，如是智慧巧分別，此無等者所行道。
	精進	所有無盡廣大福，一切修行使究竟，令諸眾生悉清淨，此無比者所行道。
	禪定	普勸修成助道法，悉令得住方便地，度脫眾生無有數，未曾暫起眾生想。
	般若	一切機緣悉觀察，先護彼意令無諍，普示眾生安隱處，此方便者所行道。
	方便	成就最上第一智，具足無量無邊智，於諸四眾無所畏，此方便智所行道。
	願	一切世界及諸法，悉能遍入得自在，亦入一切眾會中，度脫群生無有數。
	力	十方一切國土中，擊大法鼓悟群生，為法施主最無上，此不減者所行道。
	智	一身結跏而正坐，充滿十方無量刹，而令其身不迫隘，此法身者所行道。
力十波羅蜜	佛	能於一義一文中，演說無量無邊法，而其邊際不可得，此無邊智所行道。
	法	於佛解脫善修學，得佛智慧無障礙，成就無畏為世雄，此方便者所行道。
	僧	了知十方世界海，亦知一切佛刹海，智海法海悉了知，眾生見者咸欣慶。
	精進	或現入胎及初生，或現道場成正覺，如是皆令世間見，此無邊者所行道。
	禪定	無量億數國土中，示現其身入涅槃，實不捨願歸寂滅，此雄論者所行道。
	般若	堅固微密一妙身，與佛平等無差別，隨諸眾生各異見，一實身者所行道。
	方便	法界平等無差別，具足無量無邊義，樂觀一相心不移，三世智者所行道。
	願	於諸眾生及佛法，建立加持悉究竟，所有持力同於佛，最上持者行斯道。
	力	神足無礙猶如佛，天眼無礙最清淨，耳根無礙善聽聞，此無礙意所行道。
	智	所有神通皆具足，隨其智慧悉成就，善知一切靡所倚，此賢智者所行道。
智十波羅蜜	佛	其心正定不搖動，其智廣大無邊際，所有境界皆明達，一切見者所行道。
	法	已到一切功德岸，能隨次第度眾生，其心畢竟無厭足，此常勤者所行道。
	僧	三世所有諸佛法，於此一切咸知見，從於如來種性生，彼諸佛子行斯道。
	精進	隨順言辭已成就，乖違談論善摧伏，常能趣向佛菩提，無邊慧者所行道。
	禪定	一光照觸無涯限，十方國土悉充遍，普使世間得大明，此破闇者所行道。
	般若	隨其應見應供養，為現如來清淨身，教化眾生百千億，莊嚴佛刹亦如是。
	方便	為令眾生出世間，一切妙行皆修習，此行廣大無邊際，云何而有能知者？
	願	假使分身不可說，而與法界虛空等，悉共稱揚彼功德，百千萬劫無能盡。
	力	菩薩功德無有邊，一切修行皆具足，假使無量無邊佛，於無量劫說不盡。
	智	何況世間天及人，一切聲聞及緣覺，能於無量無邊劫，讚歎稱揚得究竟。

*此重頌百偈非按次第重說，但按十波羅蜜者，表此十行迴歸自性十波羅蜜圓融行法。

附21-1：華嚴經十行品之功德林菩薩所說十行法之一

歡喜行——成就布施發無上心		佛子！何等為菩薩摩訶薩歡喜行？（十波羅蜜中佛波羅蜜為主）
	成就惠施以佛為師利益眾生（佛）	佛子！此菩薩為大施主，凡所有物悉能惠施；其心平等，無有悔吝，不望果報，不求名稱，不貪利養；但為救護一切眾生，攝受一切眾生，饒益一切眾生；為學習諸佛本所修行，憶念諸佛本所修行，愛樂諸佛本所修行，清淨諸佛本所修行，增長諸佛本所修行，住持諸佛本所修行，顯現諸佛本所修行，演說諸佛本所修行，令諸眾生離苦得樂。
	歡喜布施增長慈悲（法）	佛子！菩薩摩訶薩修此行時，令一切眾生歡喜愛樂；隨諸方土有貧乏處，以願力故，往生於彼，豪貴大富，財寶無盡。 假使於念念中，有無量無數眾生詣菩薩所，白言：仁者！我等貧乏，靡所資贍，飢羸困苦，命將不全。唯願慈悲，施我身肉，令我得食，以活其命！爾時，菩薩即便施之，令其歡喜，心得滿足。如是無量百千眾生而來乞求，菩薩於彼，曾無退怯，但更增長慈悲之心。
	如是修學不違眾生	以是眾生咸來乞求，菩薩見之，倍復歡喜，作如是念：我得善利！此等眾生是我福田、是我善友，不求不請而來教我入佛法中。我今應當如是修學，不違一切眾生之心。
	善根迴向無上菩提	又作是念：願我已作、現作、當作所有善根，令我未來於一切世界、一切眾生中受廣大身，以是身肉，充足一切飢苦眾生。乃至若有一小眾生未得飽足，願不捨命，所割身肉，亦無有盡。 以此善根，願得阿耨多羅三藐三菩提，證大涅槃；願諸眾生食我肉者，亦得阿耨多羅三藐三菩提，獲平等智，具諸佛法，廣作佛事，乃至入於無餘涅槃。若一眾生心不滿足，我終不證阿耨多羅三藐三菩提。
	自性觀行成就般若	菩薩如是利益眾生而無我想、眾生想、有想、命想、種種想、補伽羅想、人想、摩訶婆想、作者想、受者想。 但觀法界、眾生界，無邊際法、空法、無所有法、無相法、無體法、無處法、無依法、無作法。 作是觀時，不見自身，不見施物，不見受者，不見福田，不見業，不見報，不見果，不見大果，不見小果。
	觀生滅法起大願力發菩提心	爾時，菩薩觀去、來、今一切眾生所受之身尋即壞滅，便作是念：奇哉！眾生愚癡無智，於生死內受無數身，危脆不停，速歸壞滅。若已壞滅，若今壞滅，若當壞滅，而不能以不堅固身求堅固身。 我當盡學諸佛所學，證一切智，知一切法，為諸眾生說三世平等、隨順寂靜、不壞法性，令其永得安隱快樂。佛子！是名菩薩摩訶薩第一歡喜行。
		佛子！何等為菩薩摩訶薩饒益行？（十波羅蜜中法波羅蜜為主）
	護持淨戒得佛所讚平等正法心淨如佛（佛）	此菩薩護持淨戒，於色、聲、香、味、觸，心無所著，亦為眾生如是宣說；不求威勢，不求種族，不求富饒，不求色相，不求王位，如是一切皆無所著，但堅持淨戒，作如是念：我持淨戒，必當捨離一切纏縛、貪求、熱惱、諸難、逼迫、毀謗、亂濁，得佛所讚平等正法。 佛子！菩薩如是持淨戒時，於一日中，假使無數百千億那由他諸大惡魔詣菩薩所，一一各將無量無數百千億那由他天女——皆於五欲善行方便，端正姝麗傾惑人心——執持種種珍玩之具，欲來惑亂菩薩道意。

附21-1：華嚴經十行品之功德林菩薩所說十行法之二

饒益行——護持淨戒得平等法	護持淨戒心淨如佛	爾時，菩薩作如是念：此五欲者，是障道法，乃至障礙無上菩提。是故不生一念欲想，心淨如佛。唯除方便教化眾生，而不捨於一切智心。
	觀眾生界隨諸佛學離諸惡行以智入於一切佛法	佛子！菩薩不以欲因緣故惱一眾生，寧捨身命，而終不作惱眾生事。菩薩自得見佛已來，未曾心生一念欲想；何況從事，若或從事，無有是處！ 爾時，菩薩但作是念：一切眾生，於長夜中，想念五欲，趣向五欲，貪著五欲；其心決定耽染沈溺，隨其流轉，不得自在。我今應當令此諸魔及諸天女，一切眾生住無上戒；住淨戒已，於一切智，心無退轉，得阿耨多羅三藐三菩提，乃至入於無餘涅槃。 何以故？此是我等所應作業，應隨諸佛如是修學。作是學已，離諸惡行、計我、無知，以智入於一切佛法，為眾生說，令除顛倒。
	得真實法心不顛倒（般若）	然知不離眾生有顛倒，不離顛倒有眾生；不於顛倒內有眾生，不於眾生內有顛倒；亦非顛倒是眾生，亦非眾生是顛倒；顛倒非內法，顛倒非外法；眾生非內法，眾生非外法。一切諸法虛妄不實，速起速滅無有堅固，如夢如影，如幻如化，誑惑愚夫。
	覺了諸行自他清淨	如是解者，即能覺了一切諸行，通達生死及與涅槃，證佛菩提；自得度，令他得度；自解脫，令他解脫；自調伏，令他調伏；自寂靜，令他寂靜；自安隱，令他安隱；自離垢，令他離垢；自清淨，令他清淨；自涅槃，令他涅槃；自快樂，令他快樂。
	願力增上心恒安住無上智慧	佛子！此菩薩復作是念：我當隨順一切如來，離一切世間行，具一切諸佛法，住無上平等處，等觀眾生，明達境界，離諸過失，斷諸分別，捨諸執著，善巧出離，心恒安住無上、無說、無依、無動、無量、無邊、無盡、無色甚深智慧。佛子！是名菩薩摩訶薩第二饒益行。
	常修忍法謙下恭敬	佛子！何等為菩薩摩訶薩無違逆行？此菩薩常修忍法，謙下恭敬；不自害，不他害，不兩害；不自取，不他取，不兩取；不自著，不他著，不兩著；亦不貪求名聞利養，但作是念：我當常為眾生說法，令離一切惡，斷貪、瞋、癡、憍慢、覆藏、慳嫉、諂誑，令恒安住忍辱柔和。（十波羅蜜中僧波羅蜜為主）
無違逆行——忍法成就趣向佛道	忍法精進正定寂靜	佛子！菩薩成就如是忍法。假使有百千億那由他阿僧祇眾生來至其所，一一眾生化作百千億那由他阿僧祇口，一一口出百千億那由他阿僧祇語，所謂：不可喜語、非善法語、不悅意語、不可愛語、非仁賢語、非聖智語、非聖相應語、非聖親近語、深可厭惡語、不堪聽聞語，以是言辭毀辱菩薩。又此眾生一一各有百千億那由他阿僧祇手，一手各執百千億那由他阿僧祇器仗逼害菩薩。如是經於阿僧祇劫，曾無休息。 菩薩遭此極大楚毒，身毛皆豎，命將欲斷，作是念言：我因是苦，心若動亂，則自不調伏、自不守護、自不明了、自不修習、自不正定、自不寂靜、自不愛惜、自生執著，何能令他心得清淨？
	起大願力成就迴向趣向佛道	菩薩爾時復作是念：我從無始劫，住於生死，受諸苦惱。如是思惟，重自勸勵，令心清淨，而得歡喜。善自調攝，自能安住於佛法中，亦令眾生同得此法。復更思惟：此身空寂，無我、我所，無有真實，性空無二；若苦若樂，皆無所有，諸法空故。我當解了，廣為人說，令諸眾生滅除此見。是故，我今雖遭苦毒，應當忍受；為慈念眾生故，饒益眾生故，安樂眾生故，憐愍眾生故，攝受眾生故，不捨眾生故，自得覺悟故，令他覺悟故，心不退轉故，趣向佛道故。是名菩薩摩訶薩第三無違逆行。

附21-1：華嚴經十行品之功德林菩薩所說十行法之無屈撓行

佛波羅蜜	修十種精進宗於自性法		佛子！何等為菩薩摩訶薩無屈撓行？（十波羅蜜中精進波羅蜜為主）
			此菩薩修諸精進，所謂：第一精進、大精進、勝精進、殊勝精進、最勝精進、最妙精進、上精進、無上精進、無等精進、普遍精進。
			性無三毒、性無憍慢、性不覆藏、性不慳嫉、性無諂誑、性自慚愧，終不為惱一眾生故而行精進…
二十種精進（法）	菩薩十波羅蜜精進	佛	但為斷一切煩惱故而行精進，
		法	但為拔一切惑本故而行精進，
		僧	但為除一切習氣故而行精進，
		精進	但為知一切眾生界故而行精進，
		禪定	但為知一切眾生死此生彼故而行精進，
		般若	但為知一切眾生煩惱故而行精進，
		方便	但為知一切眾生心樂故而行精進，
		願	但為知一切眾生境界故而行精進，
		力	但為知一切眾生諸根勝劣故而行精進，
		智	但為知一切眾生心行故而行精進，
	涅槃十波羅蜜精進	佛	但為知一切法界故而行精進，
		法	但為知一切佛法根本性故而行精進，
		僧	但為知一切佛法平等性故而行精進，
		精進	但為知三世平等性故而行精進，
		禪定	但為得一切佛法智光明故而行精進，
		般若	但為證一切佛法智故而行精進，
		方便	但為知一切佛法一實相故而行精進，
		願	但為知一切佛法無邊際故而行精進，
		力	但為得一切佛法廣大決定善巧智故而行精進，
		智	但為得分別演說一切佛法句義智故而行精進。
僧波羅蜜	利益眾生備受眾苦精進		佛子！菩薩摩訶薩成就如是精進行已，設有人言：汝頗能為無數世界所有眾生，以一一眾生故，於阿鼻地獄，經無數劫，備受眾苦。令彼眾生一一得值無數諸佛出興於世，以見佛故，具受眾樂，乃至入於無餘涅槃，汝乃當成阿耨多羅三藐三菩提。能爾？不耶？答言：我能。
			設復有人作如是言：有無量阿僧祇大海，汝當以一毛端滴之令盡；有無量阿僧祇世界，盡抹為塵。彼滴及塵，一一數之，悉知其數。為眾生故，經爾許劫，於念念中受苦不斷。
增上歡喜		菩薩不以聞此語故而生一念悔恨之心，但更增上歡喜踊躍，深自慶倖得大善利：以我力故，令彼眾生永脫諸苦。菩薩以此所行方便，於一切世界中，令一切眾生乃至究竟無餘涅槃。是名菩薩摩訶薩第四無屈撓行。	

附21-1：華嚴經十行品之功德林菩薩所說十行法之離癡亂行

佛		佛子！何等為菩薩摩訶薩離癡亂行？（十波羅蜜中禪定波羅蜜為主）
	成就正念	此菩薩成就正念，心無散亂，堅固不動，最上清淨，廣大無量，無有迷惑。
法	善解世間一切語言能持出世諸法言說	以是正念故，善解世間一切語言，能持出世諸法言說。所謂：能持色法、非色法言說，能持建立色自性言說，乃至能持建立受、想、行、識自性言說，心無癡亂。於世間中，死此生彼，心無癡亂；入胎出胎，心無癡亂；發菩提意，心無癡亂；事善知識，心無癡亂；勤修佛法，心無癡亂；覺知魔事，心無癡亂；離諸魔業，心無癡亂；於不可說劫，修菩薩行，心無癡亂。
僧	於無量劫聽聞正法	此菩薩成就如是無量正念，於無量阿僧祇劫中，從諸佛、菩薩、善知識所，聽聞正法。所謂：甚深法、廣大法、莊嚴法、種種莊嚴法、演說種種名句文身法、菩薩莊嚴法、佛神力光明無上法、正希望決定解清淨法、不著一切世間法、分別一切世間法、甚廣大法、離癡翳照了一切眾生法、一切世間共法不共法、菩薩智無上法、一切智自在法。（十五種法）
精進	不失正念無有間斷	菩薩聽聞如是法已，經阿僧祇劫，不忘不失，心常憶念，無有間斷。何以故？菩薩摩訶薩於無量劫修諸行時，終不惱亂一眾生，令失正念；不壞正法，不斷善根，心常增長廣大智故。
禪定	種種音聲不能惑亂	復次，此菩薩摩訶薩，種種音聲不能惑亂。所謂：高大聲、麤濁聲、極令人恐怖聲、悅意聲、不悅意聲、誼亂耳識聲、沮壞六根聲。
般若	入三昧中正念堅固四智無障	此菩薩聞如是等無量無數好惡音聲，假使充滿阿僧祇世界，未曾一念心有散亂。所謂：正念不亂、境界不亂、三昧不亂、入甚深法不亂、行菩提行不亂、發菩提心不亂、憶念諸佛不亂、觀真實法不亂、化眾生智不亂、淨眾生智不亂、決了甚深義不亂。（十一種不亂）
		不作惡業故，無惡業障；不起煩惱故，無煩惱障；不輕慢法故，無有法障；不誹謗正法故，無有報障。（無四種障礙即無障礙四方智）
方便	充滿無量世界	佛子！如上所說如是等聲，一一充滿阿僧祇世界，於無量無數劫未曾斷絕，悉能壞亂眾生身心一切諸根，而不能壞此菩薩心。
願	住於聖法思惟觀察一切音聲	菩薩入三昧中，住於聖法，思惟觀察一切音聲，善知音聲生、住、滅相，善知音聲生、住、滅性。如是聞已，不生於貪，不起於瞋，不失於念，善取其相而不染著；知一切聲皆無所有，實不可得，無有作者，亦無本際，與法界等，無有差別。
力	至一切智得不退轉	菩薩如是成就寂靜身、語、意行，至一切智，永不退轉；善入一切諸禪定門，知諸三昧同一體性，了一切法無有邊際，得一切法真實智慧，得離音聲甚深三昧，得阿僧祇諸三昧門，增長無量廣大悲心。
智	三昧增廣至於究竟	是時，菩薩於一念中，得無數百千三昧，聞如是聲，心不惑亂，令其三昧，漸更增廣。作如是念：我當令一切眾生安住無上清淨念中，於一切智得不退轉，究竟成就無餘涅槃。
結會		是名菩薩摩訶薩第五離癡亂行。

附21-1：華嚴經十行品之功德林菩薩所說十行法之善現行

佛 波 羅 蜜	三業清淨 住如實心	佛子！何等為菩薩摩訶薩善現行？（十波羅蜜中般若波羅蜜為主） 此菩薩身業清淨、語業清淨、意業清淨，住無所得、示無所得身語意業，能知三業皆無所有、無虛妄故，無有繫縛；
	凡所示現 無性無依	凡所示現，無性無依；住如實心，知無量心自性，知一切法自性，無得無相，甚深難入；住於正位真如法性，方便出生而無業報；不生不滅，住涅槃界，住寂靜性；住於真實無性之性，言語道斷，超諸世間，無有所依；
	入最勝智	入離分別無縛著法，入最勝智真實之法，入非諸世間所能了知出世間法。此是菩薩善巧方便，示現生相。
法 波 羅 蜜	依甚深法 而起清淨	佛子！此菩薩作如是念：一切眾生，無性為性；一切諸法，無為為性；一切國土，無相為相。一切三世，唯有言說；一切言說，於諸法中，無有依處；一切諸法，於言說中，亦無依處。
	解一切法 甚深	菩薩如是解一切法皆悉甚深，一切世間皆悉寂靜，一切佛法無所增益。 佛法不異世間法，世間法不異佛法；佛法、世間法，無有雜亂，亦無差別。
	體性平等	了知法界體性平等，普入三世，永不捨離大菩提心，恆不退轉化眾生心，轉更增長大慈悲心，與一切眾生作所依處。
僧	善用思惟	菩薩爾時復作是念：我不成熟眾生，誰當成熟？我不調伏眾生，誰當調伏？我不教化眾生，誰當教化？我不覺悟眾生，誰當覺悟？我不清淨眾生，誰當清淨？此我所宜、我所應作。
精 進 — 利 益 眾 生 不 取 涅 槃	觀諸眾生 盲冥無目	復作是念：若我自解此甚深法，唯我一人於阿耨多羅三藐三菩提獨得解脫；而諸眾生盲冥無目，入大險道，為諸煩惱之所纏縛。如重病人恆受苦痛，處貪愛獄不能自出，不離地獄、餓鬼、畜生、閻羅王界，不能滅苦，不捨惡業，常處癡闇，不見真實，輪迴生死，無得出離，住於八難，眾垢所著，種種煩惱覆障其心，邪見所迷，不行正道。
	利益眾生 不取涅槃	菩薩如是觀諸眾生，作是念言：若此眾生未成熟、未調伏，捨而取證阿耨多羅三藐三菩提，是所不應。我當先化眾生，於不可說不可說劫行菩薩行；未成熟者，先令成熟；未調伏者，先令調伏。
	見聞利益	是菩薩住此行時，諸天、魔、梵、沙門、婆羅門，一切世間乾闥婆、阿脩羅等，若有得見，暫同住止，恭敬尊重，承事供養，及暫耳聞，一經心者；如是所作，悉不唐捐，必定當成阿耨多羅三藐三菩提。
結會		是名菩薩摩訶薩第六善現行。

附21-1：華嚴經十行品之功德林菩薩所說十行法之無著行之一

佛波羅蜜		佛子！何等為菩薩摩訶薩無著行？（十波羅蜜中方便波羅蜜為主）
以無著心入諸世間		佛子！此菩薩以無著心，於念念中，能入阿僧祇世界，嚴淨阿僧祇世界。於諸世界，心無所著，往詣阿僧祇諸如來所，恭敬禮拜，承事供養。以阿僧祇華、阿僧祇香、阿僧祇鬘，阿僧祇塗香、末香、衣服、珍寶、幢幡、妙蓋，諸莊嚴具各阿僧祇以用供養；如是供養，為究竟無作法故，為住不思議法故。
法	於念念中見無數佛	於念念中，見無數佛；於諸佛所，心無所著；於諸佛刹，亦無所著；於佛相好，亦無所著；見佛光明，聽佛說法，亦無所著；於十方世界，及佛菩薩所有眾會，亦無所著；聽佛法已，心生歡喜，志力廣大，能攝、能行諸菩薩行，然於佛法，亦無所著。
僧波羅蜜	一一佛所承事供養	此菩薩於不可說劫，見不可說佛出興於世，一一佛所，承事供養，皆悉盡於不可說劫，心無厭足；見佛聞法，及見菩薩眾會莊嚴，皆無所著；見不淨世界，亦無憎惡。 何以故？此菩薩如諸佛法而觀察故。諸佛法中，無垢、無淨、無闇、無明，無異、無一，無實、無妄，無安隱、無險難，無正道、無邪道。
精進	深入法界教化眾生	菩薩如是深入法界，教化眾生，而於眾生不生執著；受持諸法，而於諸法不生執著；發菩提心，住於佛住，而於佛住不生執著；雖有言說，而於言說心無所著；入眾生趣，於眾生趣心無所著；了知三昧，能入能住，而於三昧心無所著；往詣無量諸佛國土，若入、若見、若於中住，而於佛土心無所著，捨去之時亦無顧戀。
禪定	心無障礙了佛菩提	菩薩摩訶薩以能如是無所著故，於佛法中，心無障礙，了佛菩提，證法毘尼，住佛正教，修菩薩行，住菩薩心，思惟菩薩解脫之法，於菩薩住處心無所染，於菩薩所行亦無所著，淨菩薩道，受菩薩記；
般若	增長大悲生諸善根	得受記已，作如是念：凡夫愚癡，無知無見，無信無解，無聰敏行，頑嚚貪著，流轉生死；不求見佛，不隨明導，不信調御，迷誤失錯，入於險道；不敬十力王，不知菩薩恩，戀著住處；聞諸法空，心大驚怖；遠離正法，住於邪法；捨夷坦道，入險難道；棄背佛意，隨逐魔意；於諸有中，堅執不捨。菩薩如是觀諸眾生，增長大悲，生諸善根而無所著。
方便	成熟眾生終不疲倦	菩薩爾時復作是念：我當為一眾生，於十方世界一一國土，經不可說不可說劫，教化成熟。如為一眾生，為一切眾生皆亦如是；終不以此而生疲厭，捨而餘去。
願波羅蜜	教化調伏一切眾生不著寂定不著境界	又以毛端遍量法界，於一毛端處，盡不可說不可說劫，教化調伏一切眾生；如一毛端處，一一毛端處皆亦如是。乃至不於一彈指頃，執著於我，起我、我所想。於一一毛端處，盡未來劫修菩薩行；不著身，不著法，不著念，不著願，不著三昧，不著觀察，不著寂定，不著境界，不著教化調伏眾生，亦復不著入於法界。（十種不著） 何以故？菩薩作是念：我應觀一切法界如幻，諸佛如影，菩薩行如夢，佛說法如響，一切世間如化，業報所持故；差別身如幻，行力所起故；一切眾生如心，種種雜染故；一切法如實際，不可變異故。又作是念：我當盡虛空遍法界，於十方國土中行菩薩行，念念明達，一切佛法正念現前，無所取著。

附21-1：華嚴經十行品之功德林菩薩所說十行法之無著行之二

力	為化眾生 演說諸法	菩薩如是觀身無我，見佛無礙，為化眾生，演說諸法，令於佛法發生無量歡喜淨信，救護一切，心無疲厭。無疲厭故，於一切世界，有眾生未成就、未調伏處，悉詣於彼，方便化度。
智	自利利他 清淨滿足	其中眾生種種音聲、種種諸業、種種取著、種種施設、種種和合、種種流轉、種種所作、種種境界、種種生、種種沒，以大誓願，安住其中而教化之，不令其心有動有退，亦不一念生染著想。何以故？得無所著、無所依故，自利、利他，清淨滿足。
結會		是名菩薩摩訶薩第七無著行。

附21-1：華嚴經十行品之功德林菩薩所說十行法之難得行之一

			佛子！何等為菩薩摩訶薩難得行？（十波羅蜜中願波羅蜜為主）
佛	同佛善根		此菩薩成就難得善根、難伏善根、最勝善根、不可壞善根、無能過善根、不思議善根、無盡善根、自在力善根、大威德善根、與一切佛同一性善根。
法波羅蜜	得最勝解	佛	此菩薩修諸行時，於佛法中得最勝解，
		法	於佛菩提得廣大解，
		僧	於菩薩願未曾休息，
		精進	盡一切劫心無疲倦，
		禪定	於一切苦不生厭離，
		般若	一切眾魔所不能動，
		方便	一切諸佛之所護念，
		願	具行一切菩薩苦行，
		力	修菩薩行精勤匪懈，
		智	於大乘願恒不退轉。
僧	廣利眾生		是菩薩安住此難得行已，於念念中，能轉阿僧祇劫生死，而不捨菩薩大願。若有眾生，承事供養，乃至見聞，皆於阿耨多羅三藐三菩提得不退轉。
精進	不住生死 不住涅槃		此菩薩雖了眾生非有，而不捨一切眾生界。譬如船師，不住此岸，不住彼岸，不住中流，而能運度此岸眾生至於彼岸，以往返無休息故。
			菩薩摩訶薩亦復如是，不住生死，不住涅槃，亦復不住生死中流，而能運度此岸眾生，置於彼岸安隱無畏、無憂惱處。
禪定波羅蜜	了一切法 法界無二		亦不於眾生數而有所著，不捨一眾生著多眾生，不捨多眾生著一眾生；不增眾生界，不減眾生界；不生眾生界，不滅眾生界；不盡眾生界，不長眾生界；不分別眾生界，不二眾生界。
			何以故？菩薩深入眾生界如法界，眾生界、法界無有二。無二法中，無增、無減，無生、無滅，無有、無無，無取、無依，無著、無二。何以故？菩薩了一切法、法界無二故。
般若波羅蜜	住於無相	佛	菩薩如是以善方便入深法界，住於無相，
		法	以清淨相莊嚴其身，
		僧	了法無性而能分別一切法相，
		精進	不取眾生而能了知眾生之數，
		禪定	不著世界而現身佛刹，
		般若	不分別法而善入佛法，
		方便	深達義理而廣演言教，
		願	了一切法離欲真際而不斷菩薩道、不退菩薩行，
		力	常勤修習無盡之行，
		智	自在入於清淨法界。
	常住世間		譬如鑽木以出於火，火事無量而火不滅。菩薩如是化眾生事，無有窮盡，而在世間常住不滅；非究竟，非不究竟；非取，非不取；非依，非無依；非世法，非佛法；非凡夫，非得果。

附21-1：華嚴經十行品之功德林菩薩所說十行法之難得行之二

方便	知一切法無染	菩薩成就如是難得心，修菩薩行時，不說二乘法，不說佛法；不說世間，不說世間法；不說眾生，不說無眾生；不說垢，不說淨。何以故？菩薩知一切法無染、無取、不轉、不退故。	
願波羅蜜	寂滅修行於一切法皆無所著	菩薩於如是寂滅微妙甚深最勝法中修行時，亦不生念：我現修此行、已修此行、當修此行。不著蘊、界、處、內世間、外世間、內外世間，所起大願、諸波羅蜜及一切法皆無所著。	
		何以故？法界中無有法名向聲聞乘、向獨覺乘，無有法名向菩薩乘、向阿耨多羅三藐三菩提，無有法名向凡夫界，無有法名向染、向淨、向生死、向涅槃。何以故？諸法無二、無不二故。	
力波羅蜜	一切法不可得而非無一切法		譬如虛空，於十方中，若去、來、今，求不可得，然非無虛空。
		佛	菩薩如是觀一切法皆不可得，然非無一切法；
		法	如實無異，不失所作，普示修行菩薩諸行；
		僧	不捨大願，調伏眾生，轉正法輪；
		精進	不壞因果，亦不違於平等妙法，普與三世諸如來等；
		禪定	不斷佛種，不壞實相；
		般若	深入於法，辯才無盡；
		方便	聞法不著，至法淵底；
		願	善能開演，心無所畏；
		力	不捨佛住，不違世法，
	智	普現世間而不著世間。	
		菩薩如是成就難得智慧心，修習諸行，於三惡趣拔出眾生，教化調伏，安置三世諸佛道中，令不動搖。	
智波羅蜜	修習菩薩所行處	復作是念：世間眾生不知恩報，更相讎對，邪見執著，迷惑顛倒，愚癡無智，無有信心，隨逐惡友，起諸惡慧，貪愛、無明、種種煩惱皆悉充滿，是我所修菩薩行處。	
	不求恩報	設有知恩、聰明、慧解，及善知識充滿世間，我不於中修菩薩行。何以故？我於眾生，無所適莫，無所冀望，乃至不求一縷一毫，及以一字讚美之言。	
	不求不取但為眾生	盡未來劫，修菩薩行，未曾一念自為於己；但欲度脫一切眾生，令其清淨，永得出離。何以故？於眾生中為明導者，法應如是，不取不求；但為眾生修菩薩道，令其得至安隱彼岸，成阿耨多羅三藐三菩提。	
結會		是名菩薩摩訶薩第八難得行。	

附21-1：華嚴經十行品之功德林菩薩所說十行法之善法行之一

攝持正法 (佛)		佛子！何等為菩薩摩訶薩善法行？（十波羅蜜中力波羅蜜為主） 此菩薩為一切世間天、人、魔、梵、沙門、婆羅門、乾闥婆等作清涼法池，攝持正法，不斷佛種；
得十種辯無盡 (法)	佛	得清淨光明陀羅尼故，說法授記，辯才無盡；
	法	得具足義陀羅尼故，義辯無盡；
	僧	得覺悟實法陀羅尼故，法辯無盡；
	精進	得訓釋言辭陀羅尼故，辭辯無盡；
	禪定	得無邊文句無盡義無礙門陀羅尼故，無礙辯無盡；
	般若	得佛灌頂陀羅尼灌其頂故，歡喜辯無盡；
	方便	得不由他悟陀羅尼門故，光明辯無盡；
	願	得同辯陀羅尼門故，同辯無盡；
	力	得種種義身、句身、文身中訓釋陀羅尼門故，訓釋辯無盡；
	智	得無邊旋陀羅尼故，無邊辯無盡。
廣長舌相 (僧)		此菩薩大悲堅固，普攝眾生，於三千大千世界變身金色，施作佛事；隨諸眾生根性欲樂，以廣長舌，於一音中現無量音，應時說法，皆令歡喜。 假使有不可說種種業報無數眾生，共會一處，其會廣大充滿不可說世界，菩薩於彼眾會中坐。是中眾生，一一皆有不可說阿僧祇口，一一口能出百千億那由他音，同時發聲，各別言辭，各別所問；菩薩於一念中，悉能領受，皆為酬對，令除疑惑。如一眾會中，於不可說眾會中，悉亦如是。
具一切智 (精進)		復次，假使一毛端處，念念出不可說不可說道場眾會；一切毛端處，皆亦如是。盡未來劫，彼劫可盡，眾會無盡。是諸眾會，於念念中，以各別言辭，各別所問；菩薩於一念中，悉能領受，無怖無怯，無疑無謬，而作是念：設一切眾生以如是語業俱來問我，我為說法無斷無盡，皆令歡喜，住於善道；
說種種法而無分別		復令善解一切言辭，能為眾生說種種法，而於言語無所分別。 假使不可說不可說種種言辭而來問難，一念悉領，一音咸答，普使開悟，無有遺餘。以得一切智灌頂故，以得無礙藏故，以得一切法圓滿光明故，具足一切智智故。
清淨饒益 (般若)		佛子！此菩薩摩訶薩安住善法行已，能自清淨，亦能以無所著方便而普饒益一切眾生，不見有眾生得出離者。如於此三千大千世界，如是乃至於不可說三千大千世界，變身金色，妙音具足，於一切法無所障礙而作佛事。
十種善法行身成就		佛子！此菩薩摩訶薩成就十種身。所謂：
	佛	入無邊法界非趣身，滅一切世間故；
	法	入無邊法界諸趣身，生一切世間故；
	僧	不生身，住無生平等法故；
	精進	不滅身，一切滅、言說不可得故；
	禪定	不實身，得如實故；
	般若	不妄身，隨應現故；
方便		不遷身，離死此生彼故；

附21-1：華嚴經十行品之功德林菩薩所說十行法之善法行之二

十 種 身	願	不壞身，法界性無壞故；
	力	一相身，三世語言道斷故；
	智	無相身，善能觀察法相故。
為 眾 生 作 清 涼 池 （ 智 ）		菩薩成就如是十種身，
	佛	為一切眾生舍，長養一切善根故；
	法	為一切眾生救，令其得大安隱故；
	僧	為一切眾生歸，與其作大依處故；
	精進	為一切眾生導，令得無上出離故；
	禪定	為一切眾生師，令入真實法中故；
	般若	為一切眾生燈，令其明見業報故；
	方便	為一切眾生光，令照甚深妙法故；
	願	為一切三世炬，令其曉悟實法故；
	力	為一切世間照，令入光明地中故；
	智	為一切諸趣明，示現如來自在故。
	結會	佛子！是名菩薩摩訶薩第九善法行。菩薩安住此行，為一切眾生作清涼法池，能盡一切佛法源故。

附21-1：華嚴經十行品之功德林菩薩所說十行法之真實行

			佛子！何等為菩薩摩訶薩真實行？（十波羅蜜中智波羅蜜為主）
第十行位成就十波羅蜜	自性三寶成就前行	隨如來學智慧成就	此菩薩成就第一誠諦之語，如說能行，如行能說。此菩薩學三世諸佛真實語，入三世諸佛種性，與三世諸佛善根同等，得三世諸佛無二語，隨如來學智慧成就。
		成就十種智而不捨菩薩行	此菩薩成就知眾生是處非處智、去來現在業報智、諸根利鈍智、種種界智、種種解智、一切至處道智、諸禪解脫三昧垢淨起時非時智、一切世界宿住隨念智、天眼智、漏盡智，而不捨一切菩薩行。何以故？欲教化一切眾生，悉令清淨故。
		成就眾生增上不捨世間	此菩薩復生如是增上心：若我不令一切眾生住無上解脫道，而我先成阿耨多羅三藐三菩提者，則違我本願，是所不應。是故，要當先令一切眾生得無上菩提、無餘涅槃，然後成佛。 何以故？非眾生請我發心，我自為眾生作不請之友，欲先令一切眾生滿足善根、成一切智。是故，我為最勝，不著一切世間故；我為最上，住無上調御地故；我為離翳，解眾生無際故；我為已辦，本願成就故；我為善變化，菩薩功德莊嚴故；我為善依怙，三世諸佛攝受故。
	精進	於一切法智慧自在	此菩薩摩訶薩不捨本願故，得入無上智慧莊嚴，利益眾生，悉令滿足；隨本誓願，皆得究竟；於一切法中智慧自在，令一切眾生普得清淨；
	禪定	念念示現如來神力	念念遍遊十方世界，念念普詣不可說不可說諸佛國土，念念悉見不可說不可說諸佛及佛莊嚴清淨國土，示現如來自在神力。
		現無量身普入世間	普遍法界、虛空界，此菩薩現無量身，普入世間而無所依；於其身中，現一切刹、一切眾生、一切諸法、一切諸佛。
	般若	知諸眾生隨應現身	此菩薩知眾生種種想、種種欲、種種解、種種業報、種種善根，隨其所應，為現其身而調伏之；
	方便	決定了知智慧最勝	觀諸菩薩如幻、一切法如化、佛出世如影、一切世間如夢，得義身、文身無盡藏；正念自在，決定了知一切諸法；智慧最勝，入一切三昧真實相，住一性無二地。
	願力	得無礙解脫入佛法實相	菩薩摩訶薩以諸眾生皆著於二，安住大悲，修行如是寂滅之法，得佛十力，入因陀羅網法界，成就如來無礙解脫人中雄猛大師子吼；得無所畏，能轉無礙清淨法輪；得智慧解脫，了知一切世間境界；絕生死迴流，入智慧大海；為一切眾生護持三世諸佛正法，到一切佛法海實相源底。
	智	有親近者皆令開悟	菩薩住此真實行已，一切世間天、人、魔、梵、沙門、婆羅門、乾闥婆、阿脩羅等，有親近者，皆令開悟，歡喜清淨。
結會			是名菩薩摩訶薩第十真實行。

（返回第287頁）